

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog postupka javne nabavke za nabavku usluga “**Stručni nadzor na izvođenju radova izgradnje, rekonstrukcije, rehabilitacije i održavanja puteva na području Kantona Sarajevo**” zaključuje se:

OKVIRNI SPORAZUM

za “**Stručni nadzor na izvođenju radova izgradnje, rekonstrukcije, rehabilitacije i održavanja puteva na području Kantona Sarajevo**”

Između sporazumnih strana:

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl. ing. saobr (u daljem tekstu: **Naručilac**)

i

IPSA INSTITUT d.o.o. Sarajevo, ul. Put života bb, Identifikacioni broj: 4200032270003 koga zastupa direktor Enko Hubanić dipl.ing.građ (u daljem tekstu:**Izvršilac**)

I PREDMET SPORAZUMA

Član 1.

Ovim Okvirnim sporazumom sporazumne strane se sporazumijevaju da će Izvršilac tokom ugovornog perioda, po ukazanoj potrebi, a na osnovu zahtjeva Naručioca izvršavati naložene poslove definisane postupkom javne nabavke za “**Stručni nadzor na izvođenju radova izgradnje, rekonstrukcije, rehabilitacije i održavanja puteva na području Kantona Sarajevo**”, sve prema zahtjevima definisanim u postupku, specifikaciji, tenderskoj dokumentaciji i Ponudi Izvršioc/Izvođača br. 1796/20 od 18.06.2020. godine koja čini sastavni dio ovog Sporazuma.

Okvirnim sporazumom naručilac i izvršilac su saglasni da mogu u toku cijelog perioda na koji se sporazum zaključuje zaključivati ugovore iz oblasti za koje je proveden postupak javne nabavke.

Okvirnim sporazumom će se definisati uslovi pod kojim se mogu dodijeliti ugovori tokom određenog perioda, u skladu s predviđenom cijenom i predviđenim količinama.

II ROK TRAJANJA I CIJENA

Član 2.

Okvirni sporazum zaključuje se za period od 2 (dvije) godine, odnosno do iskorištenja maksimalne finansijske vrijednost od :

198.701,10 KM sa PDV-om

(slovima: stotindevedesetosamhiljadasedamstotinajedna i 10/100 KM)

169.830,00 KM bez PDV-a

Tokom ugovorenog perioda cijene iz prihvaćene Ponude su nepromjenjive.

Ukupna vrijednost pojedinačno zaključenih ugovora ne može biti veća od prihvaćene cijene ponude.

Član 3.

Izvršilac je dužan naručeni posao izvršiti u roku definisanim od strane Naručioca, na mjestu i na način koji je definisao Naručilac.

Troškove izvršenja posla snosi Izvršilac.

Izvršilac je dužan ugovoreni posao izvršiti prema uslovima iz tenderske dokumentacije, pravilima struke, svim važećim Zakonskim i podzakonskim propisima kojima se reguliše oblast nadzora nad izvođenjem radova i prihvaćene Ponude ponuđača.

III NAČIN PLAĆANJA

Član 4.

Za izvršeni posao Naručilac je obavezan izvršiti plaćanje uplatom na račun Izvođača u roku od 60 (šezdeset) dana od dana dostave završnog Izvještaja od strane Izvršioca ili dostave fakture što će se precizirati pojedinačnim ugovorom u skladu sa predmetom pojedinačnog ugovora.

IV OBAVEZE IZVRŠIOCA

Član 5.

Usluge nadzora koje obavlja nadzorni inženjer ispred Izvršioca, pored onih koje su definisane Zakonom o prostornom uređenju KS i drugim važećim propisima i pravilima struke, treba da obuhvaćaju i sljedeće:

- Provođenje nadzora svakodnevno i ažurno, u skladu s dinamikom izvođenja radova;
- Kontrola dinamike izvođenja radova i o tome redovno izvještavanje Naručioca, po dinamici koja će biti utvrđena posebnim ugovorom za određenu uslugu;
- Provjeravanje da li se radovi izvode u skladu s građevinskom dozvolom i važećim propisima;
- Koordinacija rada svih sudionika u gradnji, koji su u neposrednoj ugovornoj obavezi s investitorom;
- Dostavljanje izvještaja o izvršenim radovima Naručiocu;
- Podnošenje odgovarajućeg izvještaja Naručiocu o stanju radova u vezi s trošenjem sredstava, rokovima i kvalitetom izvedenih radova;
- Kontrola svog materijala za ugradnju prije ugradnje i odobravanje ugradnje istog što će prikazati kroz izvještaj (neće dozvoliti ugradnju materijala koji ne odgovara ugovorenom kvalitetu a ukoliko utvrdi da pojedini materijali ne odgovaraju ugovorenom kvalitetu, zahtijevati će od izvođača radova da izvrši popravku ili ponovno izvođenje radova, zamjenu nabavljenog ili ugrađenog materijala);
- Svakodnevno ovjeravati građevinsku knjigu i građevinski dnevnik, a koji se vode u kopiji 2 (dva) primjerka od kojih 1 (jedan) primjerak zadržava izvođač radova, a drugi Naručilac, i situacije u skladu sa ovjerenom građevinskom knjigom;
- Davati odgovarajuće naloge o izvođenju određenih radova izvođaču, u slučaju potrebe otklanjanja nedostataka, a radi sprečavanja težih posljedica koji bi nastupili neizvođenjem tih radova.

V OBAVEZE NARUČIOCA

Član 6.

Naručilac se obavezuje:

- pravovremeno uputiti prigovore na eventualne propuste tokom obavljanja posla, u slučaju da Izvršioc ne obavlja posao u skladu sa ovim ugovorom i ponudom Izvođača radova,
- uredno izvršiti plaćanje ugovorenih poslova, isplatiti naknade za izvršene i prihvaćene poslove prema odredbama ovog ugovora,
- pravovremeno izvršavati svoje obaveze po ugovoru.

Član 7.

Sporazumne strane su saglasne da Izvršioc/Izvođač neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Naručioca ili su u svojstvu stručnog lica bile angažirane od strane Komisije za javne nabavke, prilikom dodjele ovog Sporazuma.

Ograničenje u smetnji iz stava (1) ovog člana traju šest mjeseci od dana stupanja na snagu ovog Sporazuma odnosno od početka njegove realizacije.

VI MJERODAVNO PRAVO

Član 8.

Na sva ostala prava i obaveze koja nisu regulirana ovim Sporazumom, primjenjivat će se odredbe Zakona o obligacionim odnosima.

Nakon zaključenja Sporazuma, njegove odredbe ne mogu se mijenjati.

Član 9

Ukoliko Izvršilac ne ispunjava svoje preuzete obaveze, Naručilac će ga pismeno pozvati da postupi prema odredbama ovog Sporazuma.

Ako Izvršilac ne postupi prema pismenoj opomeni iz stava (2) ovog člana ni u danom naknadnom primjerenom roku, Naručilac zadržava pravo da jednostrano raskine ovaj Sporazum i traži naknadu nastale štete.

VII RJEŠAVANJE SPOROVA I MJERODAVNO PRAVO

Član 10.

Eventualne sporove sporazumne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut konačno će se riješiti pred nadležnim sudom u Sarajevu.

VIII POSEBNE ODREDBE

Član 11.

Ovaj sporazum ostaje na snazi do potpunog izvršenja ugovorene usluge.

Sporazumne strane mogu sporazumno otkazati ovaj sporazum i prije njegovog izvršenja ukoliko, neovisno od sporazumnih strana, nastupe okolnosti, koje bitno utiču na predmet izvršenja sporazuma/ugovora. U tom slučaju sporazum se raskida.

IX ZAVRŠNE ODREDBE

Član 12.

Sporazum stupa na snagu sa danom obostranog potpisivanja ovlaštenih predstavnika sporazumnih strana.

Član 13.

Sporazum je sačinjen u 6 (šest) istovjetnih primjeraka, od kojih svaka od sporazumnih strana zadržava po 3 (tri) primjerka.

Direktor

Enko Hubanić, dip. ing. građ

IPSA INSTITUT D.O.O. Sarajevo

Direktor

Selmir Kovač, dipl.ing. saobr

**DIREKCIJA ZA PUTEVE KANTONA
SARAJEVO**

Broj:

2570/20

Datum:

13. 08. 2020.

Broj: 04-11-11100-OS/20

Datum: 13.08.2020. godine